

- dio prijenosne mrežarine koji se odnosi na energiju iznosi 0,578 feninga/kWh,
 - dio prijenosne mrežarine koji se odnosi na snagu iznosi 1,472 KM/kW.
3. Potrebni godišnji prihod za 2017. godinu se odobrava u strukturi i iznosima navedenim u trećoj koloni sljedeće tabele:

Troškovi i prihodi (KM)	Zahtjev	Odobreno	Indeks (3/2)
1	2	3	4
Troškovi materijala i rezervnih dijelova	4.800.000	3.450.000	0,719
Troškovi usluga	5.500.000	4.900.000	0,891
Troškovi radne snage	57.105.500	55.587.593	0,973
Amortizacija	54.799.058	54.799.058	1,000
Troškovi kamata	2.031.188	2.031.188	1,000
Ostali troškovi	5.160.000	5.160.000	1,000
Ostali i vanredni rashodi	895.000	895.000	1,000
Regulatorna naknada	1.339.000	1.339.000	1,000
A. Ukupno troškovi i rashodi	131.629.746	128.161.839	0,974
Bruto dobit	2.195.000	2.195.000	1,000
B. Ukupno troškovi i bruto dobit	133.824.746	130.356.839	0,974
1. Prihod od ITC mehanizma	4.040.184	3.780.000	0,936
2. Prihod od dodjele prekograničnih kapaciteta	2.100.000	3.000.000	1,429
3. Ostali prihodi (donirana sredstva)	2.174.776	2.174.776	1,000
4. Prihod od priključka		4.000.000	
5. Finansijski prihod	2.588.400	3.000.000	1,159
6. Prihod po osnovu dobiti iz kapitala		6.926.275	
C. Potrebni prihod (B-1-2-3-4-5-6)	122.921.386	107.475.788	0,874
Energija preuzeta iz prijenosnog sistema (kWh)	11.618.937.161	12.090.195.173	1,041
Snaga preuzeta iz prijenosnog sistema (kW)		25.550.000	
Tarifa – energija (fening/kWh)		0,578	
Tarifa – snaga (KM/kW)		1,472	

4. Nezavisni operator sistema u BiH i Elektroprijenos BiH dužni su da po isteku svakog kalendarskog mjeseca, u saradnji sa vlasnicima licence za distribuciju električne energije, kupcima koji su direktno priključeni na prijenosni sistem i vlasnicima licence za proizvodnju električne energije koji posjeduju proizvodne objekte priključene na prijenosni sistem, sačine izvještaj o energetskim veličinama u svim tačkama preuzimanja iz prijenosnog sistema.
5. Na osnovu izvještaja iz prethodne tačke ove odluke, za kupca priključenog na prijenosni sistem, usluge prijenosa električne energije fakturiraju se njegovom snabdjevaču, a za kupca priključenog na distributivni sistem operatoru distributivnog sistema (ODS), odnosno pravnom licu u okviru kojeg ODS djeluje. Usluge prijenosa električne energije za proizvođača koji preuzima električnu energiju iz prijenosnog sistema fakturiraju se licenciranom proizvođaču, odnosno pravnom licu u okviru kojeg proizvođač djeluje.
6. Za energiju preuzetu u pumpnom načinu rada, proizvođačima se ne naplaćuje tarifa za usluge prijenosa električne energije.
7. Tarife određene ovom odlukom se koriste prilikom određivanja tarifa/cijena za krajnje kupce, prema strukturi tarifnih elemenata u okviru pojedinih kategorija potrošnje.
8. Ova odluka stupa na snagu danom donošenja, a primjenjuje se od 1. maja 2017. godine.

Dispozitiv odluke objavljuje se u "Službenom glasniku BiH", službenim glasilima entiteta i Brčko Distrikta Bosne i Hercegovine.

Broj: 04-28-5-333-46/16
3. aprila 2017. godine
Tuzla

Predsjedavajući Komisije
Suad Zeljković, s. r.

277

Upravni odbor Fonda zdravstvenog osiguranja Brčko distrikta BiH na osnovu člana 2 stava 2 Odluke o utvrđivanju prava na lijekove s Dodatne liste lijekova, broj: 015-180/7-UO-28/17 od 27. 03. 2017. godine, člana 13 stava 1 tački a) i b) Statuta Fonda zdravstvenog osiguranja Brčko distrikta BiH (Službeni glasnik Brčko distrikta BiH, brojevi: 17/07, 1/08, 3/15, 7/15 i 41/16), članova 20, 21 i 22 Zakona o zdravstvenom osiguranju Brčko distrikta BiH (Službeni glasnik Brčko distrikta BiH, brojevi: 1/02, 7/02, 19/07, 2/08 i 34/08) i članova 27 i 29 Odluke o utvrđivanju osnovnog paketa zdravstvenih usluga iz obaveznog zdravstvenog osiguranja (Službeni glasnik Brčko distrikta BiH, broj 33/12), na 8. vanrednoj sjednici, održanoj 27. 03. 2017. godine, donosi

O D L U K U

O UTVRĐIVANJU KRITERIJA ZA ODOBRAVANJE LIJEKOVA S DODATNE LISTE LIJEKOVA

Član 1

(1) Ovom odlukom utvrđuju se kriteriji (oboljenja i dijagnoze) na osnovu kojih osigurana lica Fonda zdravstvenog osiguranja Brčko distrikta BiH (u daljnjem tekstu: Fond) ostvaruju pravo na snabdijevanje lijekovima s Dodatne liste lijekova, na teret sredstava Fonda.

(2) Lijekovi koji se nalaze na listi lijekova iz stava 1 ovog člana, propisuju se osiguranim licima Fonda na teret sredstava Fonda u cjelokupnom iznosu za sljedeće dijagnoze:

a) **Dg: B15 – B19:** Virusni hepatitis „B“ i „C“ (akutna i hronična zapaljenja jetre) – pacijenti kod kojih terapija pokazuje poboljšanje zdravstvenog stanja, što se dokumentuje nalazom infektologa, epidemiologa, gastroenterologa-hepatologa i gastroenterološkog konzilija,

b) **Dg: B20 – B34:** Sindrom stečenog deficita imunog sistema (izazvan "HIV" virusom) – pacijenti kod kojih terapija pokazuje poboljšanje zdravstvenog stanja, sprečavanje širenja epidemije omogućavanjem adekvatnog liječenja, što se

dokumentuje nalazom infektologa ili epidemiologa, a odnosi se na lijekove iz grupe antivirusika,

c) **Dg: C00 – C97:** Zloćudni tumori (različitim primarnih i sekundarnih lokacija) –pacijenti kod kojih se terapija preporučuje kao nastavak hemoterapije, a odnosi se na grupu lijekova-citostatika ili na grupu opijatnih analgetika koji se primjenjuju u kupiranju bolova u terminalnim stadijima bolesti, što se dokumentuje nalazom i prijedlogom jednog od onkoloških konzilija. Nutrini preparati se mogu propisati kod onkoloških pacijenata koji imaju ugrađen PEG kao jedini mogući način ishrane, što se dokumentuje nalazom nadležnog specijaliste ili onkološkog konzilija,

d) **Dg: D00 – D48:** Karcinomi "in situ", dobroćudne novotvorine, tumori nesigurne i nepoznate etiologije – pacijenti kojima je terapija preporučena, što se dokumentuje nalazom hematologa, onkologa ili nalazom onkološkog konzilija,

e) **Dg: D65 – D69:** Poremećaji koagulacije, purpura i ostala hemoragijska stanja (primarna i stečena trombofilija) – pacijenti kojima je terapija preporučena kao preventiva komplikacija u trudnoći, što se dokumentuje nalazom hematologa i nalazom ginekologa, te pacijenti koji nemaju odgovor na tretman lijekom „Enoksaparin“ za oboljenja koja nisu vezana za period trudnoće, što se dokumentuje nalazom hematologa ili vaskularnog hirurga,

f) **Dg: E10 – E11, E15 – E16:** Diabetes mellitus (inzulin zavisi pacijenti) i drugi poremećaji regulacije glukoze i unutrašnje sekrecije pankreasa – pacijenti sa „body mass“ indeksom (BMI) preko 30 u kombinaciji s bazalnim inzulinom, a prethodno liječeni s jednim ili dva oralna antidijabetika, što se dokumentuje nalazom endokrinologa ili interniste, pacijenti s primarnom hiperinzulinemijom hipoglikemijom,

g) **Dg: E20 – E27:** Bolesti paratiroidne, pituitarne, hipofize i nadbubrežne žlijezde –pacijenti kojima je preporučena terapija jedini mogući način liječenja, što se dokumentuje nalazom nadležnog doktora specijaliste endokrinologa (pedijatra ili interniste), a u slučaju operativnog zahvata i otpusnom listom,

h) **Dg: E28 – E35:** Bolesti spolnih žlijezda (pubertas praecox i dr.) i druge bolesti žlijezda – pacijenti s poremećajem spolnih hormona, što se dokumentuje nalazom pedijatra endokrinologa kojim se potvrđuje potreba za određenom terapijom,

i) **Dg: E70 – E90:** Poremećaji metabolizma (mineralnih materija, fenilketonurija, cistična fibroza i dr.) – djeca kod koje je dijagnostikovana smetnja u rastu i razvoju (tumor hipofize hormonski zavisna, hromozomske aberacije i urođene malformacije, razni poremećaji koji dovode do nepravilnog rada žlijezda s unutrašnjim lučenjem, recesivno nasljedna metabolopatija-fenilketonurija kao i cistična fibroza), što se dokumentuje nalazom pedijatra endokrinologa, pedijatra gastroenterologa, neuropedijatra ili dermatologa,

j) **Dg: F20 – F29:** Šizofrenija (shizofrenija) – pacijenti kod kojih terapija pokazuje poboljšanje zdravstvenog stanja i funkcionalno poboljšanje, što se dokumentuje nalazom psihijatra,

k) **Dg: F90.0 – F90.9:** Razvojna disfazija s hiperkinetičkim ponašanjem i poremećaj ekspresivnog govora (Dysphasia evolutionis expressive) – pacijenti uzrasta do 18 godina koji u razvojnom periodu imaju poremećaj govora i ponašanja, što se dokumentuje nalazima neuropedijatra, psihologa ili psihijatra,

l) **Dg: G20 – G41:** Bolesti nervnog sistema (parkinsonizam, multipla skleroza, epilepsija i dr.) – pacijenti kod kojih se javlja refraktarnost na druge antiepileptike ili su oboljeli od drugih neuroloških oboljenja, što se dokumentuje nalazom neuropedijatra, neurologa ili neurološkog konzilija,

m) **Dg: I20 – I25; I65 – I75:** Ishemijske bolesti srca, cerebrovaskularne bolesti, bolesti arterija i arteriola – pacijenti kojima je terapija preporučena nakon akutnog infarkta miokarda, kod operativnih zahvata krvnih sudova glave, vrata, aorte i krvnih sudova gornjih i donjih ekstremiteta, kao i stentiranja krvnih sudova, što se dokumentuje nalazom kardiologa, kardiohirurga, vaskularnog hirurga, neurohirurga i otpusnim pismom. Terapija se odobrava u trajanju od 6-12 mjeseci nakon urađene intervencije, a odnosi se samo na antitrombotična sredstva (antiagregacionu terapiju),

n) **Dg: K50 – 52, K74.3 – K74.6 i K90:** Neinfektivni enteritisi i kolitisi i ostale bolesti crijeva (Kronova bolest, ulcerozni kolitisi, ciroza žučnih puteva, neoznačena ciroza jetre i celijakija) – pacijenti kojima je preporučena terapija, što se dokumentuje nalazom gastroenterologa / hepatologa / infektologa i gastroenterološkog konzilija, a u svrhu smanjenja mogućih komplikacija ili poboljšanja zdravstvenog stanja kod navedenog oboljenja primjenom propisane terapije,

o) **Dg: M 05 – M 14:** Upalne poliartropatije – pacijenti kojima je preporučena terapija, što se dokumentuje nalazom pedijatra reumatologa ili imunologa, nalaza interniste reumatologa i reumatološkog konzilija, kod dokazanih poliartropatija u svrhu poboljšanja zdravstvenog stanja i prevencije mogućih komplikacija,

p) **Dg: M30 – M36:** Sistemski poremećaji vezivnog tkiva (obilna muskularna kalcinoza, fistuliranje kalcifikata kroz kožu) – pacijenti kod kojih je došlo do poremećaja u metabolizmu minerala s manifestacijom na vezivnom i mišićnom tkivu, što se dokumentuje nalazom pedijatra reumatologa, nalazom reumatologa ili reumatološkog konzilija,

r) **Dg: N04 – N05:** Sindrom oboljenja bubrega (Syndroma nephroticum) – pacijenti kojima je preporučena terapija, u prilogu nalaz nefrologa (internista ili pedijatar),

s) **Dg: N17 – N19:** Akutna i hronična bubrežna insuficijencija (za dijalizirane pacijente) – pacijenti koji se nalaze na dijaliznom tretmanu, što se dokumentuje nalazom interniste ili nefrologa,

t) **Dg: T82 – T86:** Komplikacije srčanih implantata i transplantata, komplikacije urogenitalnih implantata i transplantata i komplikacije ostalih transplantata (sprječavanje odbacivanja organa nakon transplantacije) – pacijenti kojima je transplantiran jedan od organa i kod kojih može doći do komplikacije odbacivanja transplantata, a odnosi se na lijekove iz grupe imunosupresivnih sredstava i antigljivičnih lijekova širokog spektra, što se dokumentuje otpusnom listom kao i nalazom nadležnog doktora specijaliste,

u) **Dg: Q80.0 – Q85.9:** Urođena ihtioza (Ichthyosis congenita), neurofibromatoza (Neurofibromatosis benigna) – pacijenti kod kojih je došlo do hromozomskih aberacija na „X“ hromozomu što je uzrokovalo poremećaj procesa keratinizacije tj. deskvamacije retencionog tipa, što se dokumentuje nalazom pedijatra ili dermatologa. Kod pacijenata oboljelih od neurofibromatoze (otežano gutanje usljed kompresivnog sindroma neurofibroma) sa ugrađenim PEG-om, što se dokumentuje nalazom nadležnog specijaliste neurologa ili neurohirurga,

v) **Dg : Q90 – Q96:** Hromozomske nenormalnosti (Sy. Turner, Sy. Down) – pacijenti kod kojih je došlo do hromozomskih aberacija što je uzrokovalo poremećaj u psihofizičkom razvoju, što se dokumentuje nalazom neuropedijatra i psihijatra.

(3) Pravo na snabdijevanje lijekovima iz stava 1 ovog člana se ostvaruje po okončanju postupka javnih nabavki lijekova i zaključnju ugovora o nabavci sa izabranim dobavljačem, po cijenama iz ugovora.

Član 2

(1) Ova odluka stupa na snagu danom donošenja i objavljuje se u Službenom glasniku Brčko distrikta BiH.

(2) Stupanjem na snagu ove odluke, stavlja se van snage Odluka o finansiranju lijekova s Dodatne liste, broj: 015-180/8-40/15 od 20. 04. 2015. godine i broj: 015-180/8-40/15-1 od 22. 10. 2015. godine.

Broj: 015-180/7-UO-29/17
Brčko, 27. 03. 2017. godine

PREDSJEDNIK UPRAVNOG ODBORA
dr. med. sci. Zoran Tošić, s. r.

278

Konkurencijsko vijeće Bosne i Hercegovine, na osnovu člana 25. stav (1) tačka e), člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i člana 206. stav (1) Zakona o upravnom postupku Bosne i Hercegovine („Službeni glasnik BiH“, br. 29/02, 12/04, 88/07, 93/09, 41/13 i 53/16), u upravnom postupku donošenja